

Message three

**Namtawm thlaang boeih te Pa, Capa oen Ciim Muithla kah a ming khuiah
Baptisma peekna rangoen hubaangthli la saina**

Teeham caciim. Matt.28:16-20

I. Vaandawng ahkhaw, diklai dawngah khaw saithaina boeih boeih Ka tengah peekla awm poen-Matt.28:18.

- A. Pathen tah sawsang koek saithaina la awm tih, amah dawngah saithaina boeih awm-Rom.9:20-21.
 - 1. Saithaina tah Pathen coengna kalawng valaw-Awl.22:1.
 - 2. Saithaina boeih- ukna ben, paihuen ben oen muithla ben-boeih boeih he Pathen teng kalawng ni ava law-Gen.9:6. Rom.13:1-7.Jhn.19:10-11,2Kor.10:8,13:10.
- B. Muithla ben saithaina muime pahih awm.
 - 1. A theenna ben atah thlangciimthli boeih kah tuihzoeih bibi ham, doencang ham, bawmcem ham oen ahimi te sak pe hamla awm-Matt.20:25-28.2:6.24:45.2Kor.10:8.
 - 2. A theenna ben atah raal te khawseh, ahieh oen aka tuhkaai uthli boeih khawseh, hoei atlaang ham awm.
- C. Pathen coengna dawngah khuehduen Capa la Bawipa he soepprep boeih kah sawah saithaina a khueh-Matt.28:18.
- D. Tede thlanghing coengna dawngah thlaang capa oen vaandawng ram kah sengpahrang la vaan oen diklai kah saithaina boeih te a thawhkoop coengah amah tengah peekla awm.

II. “Te dawngah cet u langtah namtawm thlaangboeih te hubaang la van sai uh, Pa, Capa oen Ciim Muithla kah a ming khuiah baptisma van pe uh”-athan.19.

- A. Saithaina boeih te amah tengah a peek poen dawngah,(athan.18) vaanben sengpahrang lawng a hubaangthli nala namtawm thlangthli te hubaangla sai sak ham a tuih.
- B. Ahimi tah bawipa kah saithaina oen ah cet u.
- C. Namtawm thlangthli hubaangla sai sakna tah a ramla kaa wm thlangboel he tahe nawn ah diklai dawngah pai sakham Pathen aka taal thlangthli te aram thlangthli la awm sakham teni.
- D. Baptisma lawng thawlhut thlangthli te a paihuen ruem kalawng paihuen thai pakhat khuila hingruem te a boet sakna rangoen a khuen tih, Khrih kah hingna a thai oen a cuunthai sak coengah ram thlangthli la a awm u thai poen ai.
- E. *Khui ah* ti hetah thooekna te a thui tih Rom.6:3 oen Gal.3:27dawngkah angla awm.
 - 1. Aka vai u Krik awllung te Cel.8:16,19:5 oen 1Kor.1:13,15 dawngah a hawna.
 - 2. Thlangthli te thumkhat Pathen kah a ming khuiah baptisma peekna tah ahimi te muithla ben oen awlhuep ben ah amah oen thooekna khuiah a khuenna la awm..
- F. Pathen ben thumkhat coengna hamla ming pakhat bueng awm.
 - 1. Aming hetah Pathen coengna cuutna la awm tih, a thlanghing oen vai ahieh.
 - 2. Thlaang pakhat te thumkhat Pathen kah a ming khuiah baptisma peekna tah thumkhat Pathen a coengna boeih khuiah vuina la awm.
- G. Aram te tawmbenna hamla Mathai lawng Pathen ben thumkhat coengna kah a soengna pathum boeih- Pa, Capa oen Muithla- hamla ming pakhat bueng a peekna rangoen a phawng.
 - 1. Matthai kah a tawngna a boel dawngah Ciim Muithla(1:18) Capa Khrih (athan.18) oen Pa Pathen (athan.23) hetah thlanghing Jesu la ka awm (athan.21) Jehova

thlawnkung oen mami oen haih aka awm Pathen- thumkhat Pathen kah pum a tuengna la awm.

2. Aboel pathum dawngah Matthai lawng Capa he vaan aka awng u huui ah baptisma a huhna tui dawngah pai tih, Muithla te a khuu angla Capa sawah a cuuk pe coengah, Pa lawng vaanthli kalawng Capa tengah awl a thui pena te a thui-athaan.16-17.
3. Aboel 12 dawngah a thlanghing dawngah Capa he Muithla rangoen raitheethli te a hek tih, Pa Pathen kah ram te avan khuen-athaan,28.
4. Aboel 16 dawngah Pa lawng aram kah hingna bawng a tluékna la ka awm thlangboel sakna hamla hubaangthli tengah Capa te a phawng pe- athaan.16-19.
5. Aboel 17 dawngah Capa he muisam thawlengna khuila kuun tih(athaan.2)Pa kah ngaikhuekna awl oen a caksak coengah(athaan.5) ram a tuengna kah(16:28) pungcan ca a nuehna te avan khuen.
6. Hukhueng ah Matthai cabu a boetna aboel dawngah hukhueng Adam la Khrih lawng thinglam dawngah duekna te a poeng tih, thawhkoepna khuiah a kuun coengah, hingpekung Muithla la va awm tih, a thawhkoepna oen a soengna dawngah a hubaangthli tengah koep alaw pe coengah, Pathen aka taal thlangthli te Pathen ben thumkhat coengna kah aming, a thlanghing, a soengna khuila baptisma a peekna rangoen himi te ram thlangthli la awm sakham awl a peek.
7. Matthai cabu dawngah Pa, Capa oen Muithla kah a soengna khuiah baptisma peekna tah vaandawngthli kah ram a tawmbenna hamla awm.
8. Diklai ben thlanghing hui atnathli oen a vai unawh la, vaandawng ram tah thi oen ngan aka khueh thlanghing coengnathli oen pai sakthai la awm nawh(ref.1Kor.15:50) tetah thumkhat Pathen oen thooekna khuila aka buék thlangthli oen himi khuila a khuen thumkhat Pathen oen awmpoe sakna, sakla aka awm thlangthli oen buengni a tawmben u thai ai.

III. “Kai lawng awl kan peek uthli boeih he a khoemdoenna u hamla van cang pui uh. Kai khaw dungtue a boet toela nangmi oen ka awm poe ai”-Matt.28:20.

- A. Bawipa kah awlpeekthli boeih te khoemdoenna hamla oengcathli cangpuina tah namtawm thlangthli te hubaangla saina hamla awm-athaan,19.
- B. Vaanben sengpahrang tah Emmanuel la kaa wm mami oen haih aka awm Pathen teni-1:23
- C. Te dawngah mami lawng aming khuiah n’tuun na huen roek ah amah he mami tiim ah awm-18:20.
- D. Tetih angla amah lawngah oengcathli he mevengah khaw ceh taak nawh, meveng ahkhaw ceh taak manawh.
- E. Matthai lawng Emmanuel la Bawipa he alaw kope toela a thlangthli oen boet ouhla aka awm poepa vaanben sengpahrang ni tite sausi a deng.
- F. Dungtue a soepbirna hetah tahe dung a boetna la awm tih, Bawipa kah Parosia, Bawipa kah avalawna tue la awm.
 1. Soepbir tikah awllung he a soepbirna, nawh atah coengtluepna la a pha ham lawngzaw pakhat awm tina ni.
 2. Matt.28:20 dawngah *dungtue kah a soepbirna* tah tahe dung, thlangboel dungkah a boetna te a thuingaihna ni.
 3. Dungtue a soepbirna tah rainapui tue kah kum thum coeng tentan la awm ai-Dan.12:4,6-7,9.
 4. Matt.24:6 dawng a thui a boetna hetah dungtue kah a soepbirna la awm tih, rainapui tue kah kumthum coeng tentan(Zarh sawm sarikh paruk kah hukhueng zarh tentan)la awm ai.

5. Dingtue kah a soepbirna tah he dilai kah a boetna nawh tih, thlangboel dungla ka awm lungvatna dungkah a soepbirna la awm. He dung a soepbirna ham caalla zoei poen.
6. Bawipa kah thawhkoepna dawngah khawhinthli khui puer saithainathli boeih oen dingtue a boet toela, tahe dung aboetna toe mami oen haih va awm ai tila awl a kam.